

ثورة تانى

حى شعبى

بيوت عتيقه

صوت دمار

و نيران صديقة

صرخه اقوى لكن

برينه

ويا ما بلاد اتدمرت

بنفس الطريقة

* * * *

صوت الرياح كان

فى الشتا
وناس فى شارع
باقلها كام يوم
مبيته
لجان شعبية
وكام صخره
متفتته

* * * *

مليون فى لمة
فى وش مدفع
وناس بتركض
وناس بتهرب
وناس سال دماها

وبعمرها كانت
تضحى ولموتها
كانت تقرب

* * * *

روحنا الميدان
وكنّا سبعة
طبعا رجعا !!!
واحد في قلبه
رصاصه
واحد في عينه
رصاصه
وتلاته تانى
جات فى راسهم
الخلاصة

ورجعت انا وصاحبى

ملناش حراسة !!!

* * * *

ثورة تانى لجل

بلدى

لجل ما الليل

الى طول ده

يعدى

ثوره تانى

ليك يا ولدى

ثوره ليك علشان

تصلى وتدعى

الف رحمه ونور

يا والدى

ثوره تانى